

اوپنات گمرومینه مجله

هفته لقی سیاسی ، ادبی ، علمی غزته در

جلد : ۳

سنه : ۲ ۲۷ ربیع الآخر ۱۳۳۶ جمعی ایتسی ۹ شیاط ۱۹۱۸ نومرو ۲۳ — ۵۴

مناظره واسلامیت

مناظرهیه مراجعت صورتیله جل مسائل عالم اسلامیتده اصحاب کرامک زمانلرندن اعتباراً باشلامشدر . جده نک ، اخوه نک اولاد امک توریثی وشارب خمر حقنده حدشرعی اجراسی وکیجه لری خانه سنه کیزلیجه برطاقم کسانى قبول ایتمکده اولدینی خبر ویریلان برقادین حقنده بالذات ترصدایدرك بو یوزدن مذبوره نک حامله اولدینی جنینک سقوطنه سیبیت ویرمش اولسندن وبوصورت معامله اصحاب کرامجه « ولاتجسسوا الخ » آیت کریمه سیله قابل تألیف کورلمدیکنندن ناشی حضرت عمرک جنینک دیتی ایله محکوم ایدلسی کی برطاقم مسائل هپ اصول مشورت و مناظرهیه مراجعت صورتیله نتیجه حله اقران ایتش مهم امور شرعیه دندر .

معلوم اولدینی اوزره عصر سعادتده بین المسلمین تحدث ایدن اختلافات و منازعات احکام قرآنییه ویا وحی الهیه ویا اجتهاد عالی جناب پیغمبرییه توفیقاً فصل ورؤیت اولنوردی سده ارتحال نبویدن صوکره بو وظیفه مهمه امضای قضایه مأمور بیورلمش اولان اصحاب کرامه تودیع بیوریلهرق مشار الیهم حضراتی ایسه احکام قرآنییه ایله سن سنیه اقتدا واتباع ایتش ونصه اقران ایتامش اولان خصوصاتده دخی اجتهاد ذاتیلریله عمل ایتمکه مجبور قالمشردی . مشکات نبوتدن بالذات اقتباس فیض و معرفت ایتش و بناء علیه او قرنی تعقیب ایدن قرون اخیره رجالی کی غیرک معلوماتنه مراجعت احتیاجندن و اوسته بولنش اولان ذوات مشارالیهک اجتهاداتنده اختلافه تصادف اولنه بیلیر سده جملة سنک یگانه مقصدی حقه اظهاری ایله حقانیتک محافظه سی نقطه سندن عبارت بولندیغی جهته هر مسئله نی کال انتظام وجدیتله موقع مناظرهیه وضع وبوصورتله اسلامیتک تعاینه تعلق ایدن اسبابک تطبیقنه مسارعت ایدرلردی . کرچه خلفای راشدین حضراتک دورندن صوکره چوق زمان کچه دن مسند خلافت بعض ایجابات زمانیه مبنی علوم دینییه انتسابی اولیان بعض ذواته توجیه اولنش ایسه ده اشراف قایمین

ایدیش و مناظره سنک تجددی قیل و قالی مستلزم بولیش اولان مسائلک مجدداً موقع جدل و مناقشه یه وضعیله بهوده برطاقم اختلافاتک وقوعه میدان بر اقلما مشدر .

خامساً — مناظر اوله جق ذات کندوسی غائب ایتیش اولدوغی قیمتدار بر شیئک تحریرسده پویان بر وضعیتده فرض ایتیمی لازم کلوب تحریرسته مجبور اولدوغی حق و حقیقتی هر کیمدن اخذ و تلقی یه موفق اولورسه اوداته قارشو بر حسن ممنونیت و شکران ایله متحس اولسی ایجاب ادوب یوقسه مناظرینه غلبه چالقی و یاخود اقرانه تفوق ایتک کی برطاقم حسیاته قایلور ایسه یکدیگریک دلائلی قبولدن امتناع ایده جکارندن ناشی بوکی مناظر اتدن منفعت یرینه مضرت حاصل اولور .

سادساً — طرفیندن بری ادعا و مدافعاتی اکمال ایتهدن طرف مقابل انک کلامنی قطع ایله محل حرمت و یاخود موجب خوف و وحشت تعیرات استعمالندن دخی صوک درجه ده احتراز ایتیمی لازمدر . چونکه عکس حالنده هم اظهار حق و حقیقت مقصدی اشکال و همده قواعد و آداب مناظره اخلال و افساد ایدیش اولور .

سابعاً — مناظره نک دیناً اباحه سندن مقصد استفادۀ عمومییه قضیه مهمه سی اولدوغنه نظراً مناظره طلبنده بولنه جقیرک هر شیدن اول بو مقصدی تأمینه مقتدر ذوات ایله مناظره ده بولغلی لازم کلوب یوقسه علماً مادوننده بولنان بر آدم ایله مناظره ایتیمیله حقک تظاهر ایتیمه جکی امور معلومه دندر . ایشته اصحاب کزین حضراتک مسائل مختلف فیهاده کی مسلك و اصول مناظره لری بالاده کی اجمالک تفصیلندن عبارت اولوب احکام و معاملات دینه ده اولدوغی کی بالعموم مباحث اجتماعیه و ادبیه مزده دخی بواصل الاصوله رعایت اولندیفی حالده بوقیلدن اولان مناظر اتدن هر کسک فائده مند اوله جق محقق و عکس حالنده حقد و حسد و غیبت و نفاق و ریا کی برطاقم شیرک اجرای تأثیر ایلسنه میدان و یرم جکی قطعی و مطلقدر . یوایسه ارزو اوله جق شیردن دکلددر . چونکه حسد انسانی خصنک زوال نعمتیله کندوسنک تفوق و غلبه سی ارزوسنه ، غیبت دخی برطاقم مغتریاته ، نفاق دخی حضورده یار جان و غیباً خصم بی امان اولقی کی ذو الوجهین بر مسلك ذمیمه سوق ایده جکی کی خلقی خصمی علیمنده معین اتخاذ ایتک فکر یله التزام ریا و مداهنه یه مجبور قاله جقدر .

میدری زاده ابراهیم

طلبکار شعر اولان مینی مینی در شهوار سلطانه

بتون بلاغتہ آموزج کزین ونوین
اوت ، فصاحتہ صانکه نمونه نرمین ،
مالی صفوت کروبیانه رشک آور ،
جمالی حسن مجرد کی ضیا کستر ،

ذکامی نور نکهانده منجلی هر آن
 کوچک یاشنده بیوک سوزلری بوکا برهان ؛
 او وضع بهتر و ناز کترین شوخ و بلند
 حقیقه نه قدر محتشم و بی مانند !
 کوزمده قالدی خیال کزینچی پک یوکسک
 اوکونکه اویله طلبکار شعر ایدی او ملک ؛
 او وضع بهتره شعر ودها اولور حیران !..
 سز کدر ایشته ، سزک شعر وشاعر آی سلطان !
 — نشان طاشی : ۵ کانوژ اول ۱۹۱۷ —

نظار بنت عثمانه

نسخه بومیه من (آلی) دده :

نفس لوامه نك بكا خطابي [*]

ناظمی رضا نوفی

کل اوغول !. یریمه فلا کتکه ؛
 یانماخجه ، جوهر قال اولورمی یا ؟
 آجیمه بوش کچن شو زحمتکه ؛
 چله چکمه یخجه حال اولورمی یا ؟



بر آووج آرپه یمش دیتک سنک ؛
 بیلنمه دی یازیق ، قیمتک سنک !.
 نه ایشه یارادی نیتک سنک ؟
 بال دیمکله آغیز بال اولورمی یا ؟

